



uređuju, u skladu sa Zakonom o državnoj službi ona pitanja koja se odnose na polaganje ispita općeg znanja i stručnog ispita, kao i ostala pitanja koja se odnose na proceduru zapošljavanja državnih službenika, a koja nisu propisana ili su drugačije propisana odnosnom federalnom uredbom.

#### Član 2.

##### (Primjena federalne uredbe)

U provođenju procedura zapošljavanja državnih službenika u organima državne službe Unsko - sanskog kantona primjenjuju se odredbe Uredbe o uslovima, načinu i programu polaganja ispita općeg znanja i stručnog ispita za kandidate za državnu službu u Federaciji Bosne i Hercegovine („Službene novine Federacije Bosne i Hercegovine“, broj: 69/06, 78/06, 63/08, 27/14 i 69/17). (u daljem tekstu: federalna uredba), ako nisu u suprotnosti sa odredbama Zakona o državnoj službi i odredbama člana 3. do 13. ove Uredbe.

### POGLAVLJE II. ISPIT OPĆEG ZNANJA

#### Član 3.

##### (Obaveza polaganja ispita općeg znanja i stručnog ispita)

Ispit općeg znanja i stručni ispit polažu lica koja se kao kandidati, u skladu sa članom 34. Zakona o državnoj službi prijave na javni konkurs za radna mjesta državnih službenika u organima državne službe, stručnim i drugim službama organa zakonodavne, izvršne i sudske vlasti, Kantonalnom tužilaštvu Unsko-sanskog kantona i Kantonalnom pravobranilaštvu, ako posebnim zakonom nije drugačije određeno.

#### Član 4.

##### (Obaveza polaganja ispita općeg znanja za namještenike iz člana 47. stav (7) Zakona o državnoj službi)

Ispit općeg znanja polažu namještenici iz člana 47. stav (7) Zakona o državnoj službi, koji su stekli VII stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, koji imaju najmanje pet godina radnog iskustva u organima državne službe nakon položenog stručnog ispita za namještenike u organima državne službe, a

koji se prijavljuju na javni konkurs za upražnjena radna mjesta stručnog saradnika u organu državne službe.

#### Član 5.

##### (Izuzete od polaganja ispita općeg znanja)

Kandidati koji su položili stručni upravni ispit pred nadležnim organom u Bosni i Hercegovini ili pravosudni ispit izuzeti su od polaganja ispita općeg znanja.

### POGLAVLJE III. STRUČNI ISPIT

#### Član 6.

##### (Uslovi za polaganje stručnog ispita)

(1) Polaganju stručnog ispita mogu pristupiti samo kandidati koji kumulativno ispunjavaju slijedeće uslove:

a) da su shodno uslovima javnog konkursa za popunjavanje radnih mjesta državnih službenika podnijeli uredne, potpune i blagovremene prijave, u skladu sa članom 2a. stav (1), odnosno članom 3. stav (4) i (5) federalne uredbe,

b) da su položili ili da imaju položen ispit općeg znanja ili su izuzeti od polaganja ispita općeg znanja.

(2) Dokaze o ispunjavanju posebnih uvjeta za radno mjesto na koje se prijavljuje kandidat dostavlja u skladu sa odredbom člana 10. ove Uredbe.

#### Član 7.

##### (Sadržaj i način polaganja stručnog ispita)

(1) Stručni ispit se polaže pismeno, u vidu pisanog testa koji se sastoji od određenog broja pitanja sa opcijskim odgovorima i to:

a) za rukovodeće državne službenike iz člana 11. stav (1) tačka a) alineja 4), 5) i 6) Zakona o državnoj službi ..... 14 pitanja,

b) za ostale državne službenike iz člana 11. stav 1. tačka b) Zakona o državnoj službi..... 10 pitanja.

(2) Propisi iz kojih se utvrđuju pitanja za stručni ispit obuhvataju najmanje jedan propis iz oblasti protukoruptivnog zakonodavstva.

### Član 8. (Saopćavanje rezultata)

(1) Komisija za izbor odmah nakon završetka ocjenjivanja testova saopćava kandidatima rezultate koje su postigli na stručnom ispitu.

(2) Kandidati koji su uspješno položili stručni ispit mogu u roku od pet dana od dana sačinjavanja Liste uspješnih kandidata rukovodiocu organa dostaviti dokaz temeljem kojeg se izuzetno, iz opravdanih razloga iz člana 40. stav (2) i (3) Zakona o državnoj službi, može postaviti kandidat bez obzira na redoslijed utvrđen u Listi uspješnih kandidata.

(3) Ukoliko se na osnovu rezultata stručnog ispita utvrdi da se dva ili više kandidata istovremeno nalaze na poziciji najuspješnijeg kandidata, tada će rukovodilac na osnovu provedenog intervjua iz člana 11. ove Uredbe sa najuspješnijim kandidatima, postaviti kandidata za kojeg primjenom člana 11. ove Uredbe ocijeni da će najbolje obavljati poslove konkretnog radnog mjesta.

(4) Nakon što saopći rezultate postignute na stručnom ispitu, komisija će usmeno obavijestiti sve prisutne kandidate o mogućnosti dostavljanja dokaza iz stava (2) ovog člana i o tome će sačiniti posebnu evidenciju koju potpisuju prisutni kandidati i članovi Komisije za izbor.

### Član 9. (Dostavljanje dokaza)

(1) Dokaze iz člana 8. ove Uredbe kandidati koji učestvuju u postupku zapošljavanja za popunu radnog mjesta državnog službenika, u postupku unapređenja i prestanka profesionalne karijere državnih službenika, kao i prilikom donošenja odluke o stručnom usavršavanju i osposobljavanju državnih službenika, mogu dostaviti, isključivo, organu državne službe, u skladu sa članom 8. ove Uredbe.

(2) Za utvrđivanje činjenice o nacionalnoj pripadnosti kandidata relevantni su podaci navedeni u prijavi na javni konkurs.

(3) U provođenju kadrovske politike organ državne službe pored dokaza iz stava (1) ovog člana, može koristiti podatke koji se odnose

na radno-pravni status, kao i opće podatke iz dosjea državnih službenika, odnosno iz Registra državnih službenika i namještenika Unsko-sanskog kantona.

(4) Ukoliko kandidat u postupku zapošljavanja dostavi Agenciji za državnu službu Federacije BiH ( u daljem tekstu: Agencija) dokaze iz stava (1) ovog člana, Agencija je dužna iste dostaviti organu državne službe nakon provedenog stručnog ispita uz Listu uspješnih kandidata.

### Član 10. (Utvrdjivanje liste uspješnih kandidata)

(1) Listu uspješnih kandidata čine kandidati koji su na stručnom ispitu postigli najmanje 70 % od ukupnog broja bodova.

(2) Komisija za izbor utvrđuje listu uspješnih kandidata u skladu sa rezultatima postignutim na stručnom ispitu i istu dostavlja rukovodiocu organa državne službe u roku od tri dana od dana utvrđivanja liste.

(3) Kandidati iz stava (1) ovog člana, dužni su u roku od pet dana, nakon usmenog obavještenja o rezultatima ispita, Agenciji dostaviti dokaze o ispunjavanju posebnih uvjeta navedenih u tekstu javnog konkursa.

(4) Agencija pisanim putem obavještava rukovodioca organa o kandidatima koji nisu dostavili dokaze iz stava (3) ovog člana i kandidatima koji ne ispunjavaju posebne uvjete navedene u tekstu javnog konkursa.

(5) Kandidati iz stava (4) ovog člana ne mogu biti postavljeni na radno mjesto državnog službenika koje je obuhvaćeno javnim konkursom.

(6) Uz Listu uspješnih kandidata rukovodiocu organa državne službe dostavljaju se i podaci o prebivalištu, adresi i broju telefona svih kandidata koji se nalaze na Listi uspješnih kandidata.

### Član 11. (Usmeni dio stručnog ispita - intervju)

Intervju iz člana 40. stav (2) Zakona o državnoj službi i člana 8. stav (3) ove Uredbe, ima za cilj da se utvrde personalne karakteristike i iskazane sposobnosti kandidata za obavljanje

poslova konkretnog radnog mjesta na koje se prijavio, a provodi se po proceduri utvrđenoj ovom Uredbom kojom se propisuje:

- a) ovlaštenje rukovodioca organa državne službe za provođenje intervjua ili davanje tog ovlaštenja drugom državnom službeniku, odnosno posebnoj ad hoc komisiji koje rukovodilac organa ovlasti za provođenje intervjua,
- b) broj pitanja koja se postavljaju na intervjuu utvrđuje rukovodilac organa državne službe odnosno posebna ad hoc komisija i ista imaju za cilj da se utvrde personalne karakteristike i iskazane sposobnosti kandidata za obavljanje poslova konkretnog radnog mjesta na koje se prijavio,
- c) pitanja na intervjuu mogu se odnositi na radno iskustvo kandidata, njegovu stručnu spremu, kvalifikacije, sklonost kandidata za timski rad i usvajanje novih znanja vezano za određeno radno mjesto, djelatnost organa na koju se javni konkurs odnosi, kao i oblasti državne uprave, državne službe i drugih oblasti koje mogu biti u vezi sa radnim mjestom kao i druge informacije koje je kandidat naveo u svojoj prijavi,
- d) određivanje vremena trajanja intervjua koje ne može biti duže od 30 minuta,
- e) propisivanje obaveza vođenja zapisnika o toku intervjua sa svim kandidatima.

#### Član 12.

##### (Izbor i postavljenje kandidata)

(1) Rukovodilac organa državne službe dužan je u roku od pet dana od dana dostavljanja liste iz člana 10. ove Uredbe, za državnog službenika postaviti najuspješnijeg kandidata sa Liste uspješnih kandidata koji su prošli javni konkurs.

(2) U slučaju kada se u organu državne službe provodi intervju u skladu sa odredbom člana 40. stav (2) Zakona o državnoj službi i člana 8. stav (3) ove Uredbe, rukovodilac organa dužan je u roku od pet dana od dana obavljanja

intervjua izvršiti postavljenje državnog službenika na radno mjesto obuhvaćeno konkursnom procedurom.

(3) Rješenje o postavljenju iz prethodnog stava ovog člana sadrži obrazložene razloge na temelju kojih je rukovodilac organa državne službe odlučio o izboru i postavljenju izabranog kandidata.

(4) Rješenje o postavljenju rukovodilac organa državne službe je dužan dostaviti izabranom kandidatu i Agenciji u roku od pet dana od dana donošenja.

#### Član 13.

##### (Obavješćavanje kandidata)

(1) Agencija objavljuje listu uspješnih kandidata na oglasnoj tabli Agencije i pismeno obavještava sve kandidate o rezultatima koje su postigli na javnom konkursu.

(2) Protiv obavješćenja iz prethodnog stava kandidat ima pravo izjaviti žalbu Odboru državne službe za žalbe Federacije BiH u roku od pet dana od dana prijema obavješćenja. Žalba se podnosi putem Agencije.

(3) U slučaju da rukovodilac organa državne službe ne postupi u skladu sa odredbama stava (1), (2) ili (4) člana 12. ove Uredbe, kandidati sa liste uspješnih kandidata imaju pravo izjaviti žalbu Odboru državne službe za žalbe Federacije BiH u roku od pet dana od dana prijema obavješćenja iz stava (1) ovog člana.

(4) Izabrani kandidat sa liste uspješnih kandidata, dužan je Agenciji u roku od sedam dana od dana prijema obavješćenja o izboru dostaviti dokaze o ispunjavanju općih uslova javnog konkursa.

(5) Ukoliko izabrani kandidat u roku iz stava (4) ovog člana ne dostavi tražene dokaze ili ako se utvrdi da ne ispunjava opće uslove za postavljenje državnog službenika, Agencija će u roku od pet dana o tome pisano obavijestiti rukovodioca organa državne službe.

(6) Rukovodilac organa državne službe dužan je u roku od pet dana od dana prijema obavješćenja iz stava (5) ovog člana rješenjem poslati sljedećeg najuspješnijeg kandidata sa Liste uspješnih kandidata.

